

< J.L! 起身啦... >

曾經有一晚做功課，一路做到半夜，赶到頂唔順，未換睡衣就噍落床瞓著。記得當時太赶，無熄任何燈同電視。當我瞓到朦朦朧朧，聽到有人係我旁邊叫我名..「J.L, J.L」，，起初，我不以為意繼續瞓，但叫我名字的聲音仍然斷斷續續無停過。我的潛意識開始逐漸清醒，但感覺整個人仍然仲係瞓緊，大腦開始轉動，腦海不期然產生兩個問題：

- 第一個問題：咁夜，邊個係房度叫我，仲係我耳邊叫？
- 第二個問題：點解識得用我花名叫我「J.L」，識叫我 d 個名既人，全部係公司同事，街外人基本無人識咁叫我，咁依家係乜係房度叫我？

當我越諗越驚的時候，發覺身邊四週溫度轉寒。突然，我感到一股寒氣，由我著咗襪對腳開始，慢慢走上我小腿，然後至大牌。我仲發覺到我全身都郁唔到。我潛意識同自己講「今次中招了」，想用力睜開眼望一望到底發生乜事？但無奈四肢都係郁唔到，唯有試下用坊間流傳既絕招。我將自己波動的心情先平靜下來，然後用「理所當然」又帶點「關懷」的語氣大聲叱道：「好大膽...」「係咪唔想番去...」

講完無耐，突然感覺壓著我的那股寒氣，轉化成一團又似霧又似個人形白煙，由我下半身慢慢向上飄移，整個白影掃好似一塊薄紗，由腳而向上在我全身上游走，最後輕拂我臉而消失。白影散去後四肢隨即回復正常，唯獨思維仍然紛亂，恍恍惚惚。

再定神看看時間，已凌晨 5 點多，先不管剛才發生怎麼樣的怪事，瞓覺最重要，再瞓過...